


廣列仙傳


三之三




內閣文庫			
函	冊	號	類
一五	四	三三七七	漢書類

內閣文庫			
函	冊	號	類
三一	四	三三七七	漢書類

內閣文庫	
番號	漢 3377
冊數	4 (2)
函號	311 257





廣列仙傳卷之二

淺草文庫

明少谷張文介撰

安期生

安期生。瑯琊阜鄉人。賣藥海邊。時人皆言千歲
 公。秦始皇請見。與語三日三夜。賜金璧數萬。
 出於阜鄉亭。皆置之而去。留書并赤玉舄一
 量為報。曰。復千歲來。求我於蓬萊山下。始皇
 遣使者數人入海。未至蓬萊山。輒風波而還。
 立祠阜鄉亭。并海邊十處。

人言千
歲公

獻四寸珠

朱仲會稽人。漢高后時。下書募三寸珠。仲乃齎三寸珠詣闕。上書。賜五百金。魯元公主復私以七百金從仲求珠。仲復獻四寸珠。至闕。至即去。帝下書會稽徵聘。不知所在。景帝時復來獻三寸珠數十枚。輒去。不知所之。

劉京

劉京者。漢文帝侍郎。徙邯鄲。張君學道。受餌雲母。朱英方服之。百三十年餘。視之如三十許。

服九子丸能御八十妾生二十兒

人能先知吉凶之期。又能為人祭天。益命。或延得十年五年。至魏武時。京遊諸弟子家。皇甫隆聞而隨事之。以雲母丸。子方教隆。隆合服之。得三百歲。不能盡其道法。故不得度世。又有王公于京。得九子丸。時王公已七十歲。服之。能御八十妾。生二十兒。騎馬獵行。日二百里。飲酒一斛不醉。得壽二百歲。

茅盈

茅盈字叔申。濛玄孫。弟固。字季偉。次弟衷。字思

天兵暗
護折成
數段

和生于漢景帝中元五年少秉異操獨味清
虛年十八遂棄家入恒山脩道餌术後師王
君因而至龜山得見王母授以太極玄真之
經歸入恒山北谷時年四十九也盈父母尚
存父怒其久出遠遊欲杖之盈長跪曰盈已
受聖師符籙常有天兵侍衛杖盈恐天兵相
阻盈罪愈加重也父欲驗其語故杖之杖輒
折成數十段如弓矢之發中壁則壁穿中柱
則柱陷父母始知其道成乃止盈曰向所啓

金盤玉
杯自至
筵前

正慮如此後二弟俱貴襄為西河太守固為
執金吾當並之官鄉里送者數百人時盈亦
在座笑謂賓曰吾雖不作二千石來年四月
三日送僕登仙當亦不減于今日也衆皆不
之許時宣帝初元四年也至期門前數頃地
忽自平治無寸草皆施青縑幄屋下盡舖白
氈可容數百人衆賓並集大作宴會杳無使
從但見金盤玉杯自至筵前美酒奇殺異果
不可名狀復有妓樂絲竹金石之音滿耳蘭

廣列仙傳

卷二

三

悟何
晚

麝之香達數里外。少頃迎官來至。朱衣玉帶者數百人。旌旗甲仗。光采耀日。盈乃與家人親友辭別。登車乘雲。冉冉而去。時二弟在官。聞盈飛昇。皆棄官還家。求兄於東山。盈乃與相見。謂二弟曰。悟何晚矣。今年已俱老。難可補復。縱得真訣。但可成地仙耳。於是初教二弟延年不死之法。令長齋三年。授以上道。使存明堂玄真之氣。又各贈九轉還丹一劑。并神方一首。各佩服之。遂亦成仙。後人謂之三

茅真君。

修羊公

修羊公。魏人。華陰山石室中。有懸石榻。公卧其上。石盡穿陷。公略不動。時取黃精食。後以道聞于上。漢景帝禮之。使止王邸中。數歲。道不可得。有詔問公。何日筮語。未幾。床上化為白石。羊白如玉。題其脇曰。脩羊公。謝天子。後寘石羊於道。靈臺上。羊後復去。不知所在。

屈處靜

化為石
羊而去

屈處靜。漢祁陽人。楚白公之後。幼而悟道。絕迹人表。凡十二年。一旦駕鶴而去。

魯妙典

魯妙典。九疑山女冠也。有麓林道士。授大洞黃庭經。入九疑山十年。白日升天。

緱仙姑

緱仙姑。長沙人。入衡山修道。年八十餘。孑然無侶。居傍南嶽魏夫人仙壇。忽一青鳥飛來。自言我南岳夫人使也。以姑脩道精若。命我為

青鳥使

伴。每有人遊山。青鳥必預言其姓名。一日。曰。今夕有暴客至。姑無怖。果有郡僧持火挺刃。將害姑。姑在床上。僧不見而出。俱為虎所殺。姑徙居湖南。鳥亦隨之。後隱九疑。莫知所終。

蘇耽

蘇耽。郴人。事母以孝聞。嘗遇異人。授神仙術。因侍膳。母思鮓。即出市鮓以獻。問所從來。曰。便縣。母始異之。一日。忽灑掃庭除。母問其故。曰。仙道已成。上帝來召。母曰。汝仙去。吾誰養。乃

留櫃養

親

橋井

化鶴
城樓

履水赴
火

留一櫃云所需即有又云明年大疫取庭前井水橋葉救之耽仙去已而果疫毋日活百餘人後耽化鶴來郡城東北樓時有彈之者乃以瓜攬樓板以漆書云城郭是人民非三百甲子一來歸吾是蘇耽彈我何為

王真

王真上黨人孝武帝時為郡史年百歲面有光澤履水赴火出入不由戶深有道術

金申

單衣卧
雪中

仙人長
二丈

金申潞城人幼聰慧佯狂遇異人授以太陰形之術嘗單衣跣足卧凍雪中能預知水旱災祥壽夭既卒葬百餘日一夕雷霆大作及旦視之但見塚開數寸惟留隻履椽扇薄衾而已

王興

王興陽城人居壺谷中不知書初無學道意漢武帝上嵩山登大愚石起道宮使董仲舒東方朔齋潔思神至夜半忽有仙人長二丈耳

服菖蒲
可長生

出頭巔下至肩。漢武禮而問之。仙人曰。吾九
疑之人。關中嶽石上菖蒲一寸九節。可以服
之長生。故來採耳。忽然失人所在。帝顧侍臣
曰。彼非學道服食者。必中嶽之神。以喻朕耳。
因采菖蒲服之。經三年。帝覺悶而不遂止。時
從官多服。然亦莫能持久。惟王興乃服之。不
息。遂得長生。隣里老小。皆云世世見之。竟不
知所之。

衛叔卿附衛度世

服雲母
得仙

忽乘雲
車至殿
止

衛叔卿中山人。服雲母得仙。漢儀鳳二年八月
壬辰。武帝閒居殿上。忽有一人乘雲車。駕白
鹿。從天而下來。集殿前。其人年可三十許。色
如童子。羽衣星冠。帝乃驚問曰。為誰。答曰。我
中山衛叔卿也。帝曰。子若是中山人。是朕臣
也。可前共語。叔卿本意謁帝。謂帝好道。見之
必加優禮。而帝乃云。是朕臣。大失意。望默然
不應。忽焉。不知所在。帝甚悔恨。即遣使伯梁
求見其子。度世往華山。尋之。至其巔。絕巖之

廣列仙傳
下望見其父與數人博戲于石上紫雲鬱鬱
白玉為床有數仙童執節立其後度世問其
父曰同博者誰叔卿曰洪崖先生許由巢父
王子晉也我有仙方埋所居柱下度世歸掘
之得玉函封以飛仙之印乃五色雲母也度
世服之亦仙去

東方朔

東方朔字曼倩平原人漢武帝時上書曰臣年
二十三學書二冬文史足用十五學擊劍十六

王母云
三竊桃
者即曼
倩也

學詩書誦二十二萬言十九學孫吳兵法戰
陣之具鉦鼓之教亦誦二十二萬言又常服
子路之言帝待詔公車又遷待詔金馬門嘗
出經年乃歸母曰汝經年一歸何以慰我朔
曰兒暫之紫泥海有紫水汚衣乃過虞淵湔
洗朝發中還何云經年朔將死時謂同舍郎
曰天下人無能知朔知朔者惟大伍公耳朔
亡後武帝得此語召大伍公問之答以不知
曰公何所能曰頗善星曆帝問諸星皆具在

黃山山經

方朔乃
歲星

否曰諸星皆在獨不見歲星十八年今復見耳帝仰天嘆曰東方朔生在朕傍十八年而不知在歲星慘然不樂

拳夫人

拳夫人漢武帝妃武帝巡狩過河見青紫氣自地屬天望氣者以為其下有奇女必天子之祥求之見一女子在空館中姿貌殊絕兩手俱拳帝令開其手數百人擘莫能開上自披手即申由是得幸為拳夫人進為婕妤居鈞

兩手俱
拳百人
莫能開

戈宮解黃帝素女之術大有寵有孕十四月產昭帝帝曰堯十四月而生鈞戈亦然命其門曰堯母門

朱璜

朱璜者廣陵人也少病毒瘕就睢山道士阮丘丘憐之曰卿若能除去腹中三尸再得真人之藥可度世也璜曰病愈當為作客于君三十年不敢自還丘與璜七物藥日服九九百日下如肝脾者數斗養之數十日肥健心意

日更開朗。與老君黃庭經令讀。目二過。通之能思其意。丘遂與璜俱入浮陽山玉女祠。且八十年復見故處。白髮盡黑。鬚髮更長三尺。餘還家數年。復去。至武帝末猶在焉。

郭瓊

郭瓊。東方郡人也。其形貌醜劣。而意度過人。扶杖遊行。每寄宿人家。輒乞薪自照。讀書不眠。主人有笥中秘書。織綿絨。縻甚密。而瓊皆能知之。如悉覽然。莫不服其神異。聞瓊寄宿。則

閉戶塞門。蓋恐知其家。陰事瓊每至人家。袖中一把筭子。散置膝前。則人家隱事皆知。或晝卧不閉目。行地無蹤。袒裼如狂。漢武帝深異之。

李少君

李少君。字雲翼。好道入泰山採藥。疾困。遇安期生。以神樓散一七。與服之。即愈。漢武帝郊祀少君。以祠竈。辟穀却老方。見上。上有古銅器。以問少君。對曰。此器齊桓公十年。陳于栢寢。

栢寢
夢名

安期生
與棗人
如瓜

已而按其刻果齊桓公器一宮盡駭以少君
真數百歲人也嘗對上言祀竈可以致物冊
砂可為黃金金成用為飲食器可以益壽又
云臣嘗遊海上見安期生與臣棗大如瓜于
是武帝遣人入海求安期生為少君建第宅
以居之一日武帝夢與少君登嵩山逢繡衣
使者乘龍從空中下云太乙請少君帝覺語
左右曰如我夢少君將捨我也數日而少君
病死入棺後帝令發棺視之無尸獨衣冠在

焉。

車子候

車子候扶風人漢武帝愛其清靜累遷位至侍
中一朝語家人云我今補仙官此春當去至
夏中當暫還少時復去果如其言。

李根

許昌人有趙買者聞其父祖言已見根及買時
根年已八十四而根年少自若有得根素書
讀之其自訖云以漢元封中學道於某甲計

之已七百餘矣。

鮑叔陽

鮑叔陽廣寧人為趙王張耳之大夫少好養生服桂屑與司馬季主俱在委羽山師西靈子都後尸解。

司馬季主

司馬季主楚人賣卜於長安市後入委羽山大石精光藏景化形之道道成顏如少女鬚

尺黑如漆臨去之際留枕席以代形如其真身令家人葬之于蜀山之南

太山老父

太山老父者莫知其姓名漢武帝東巡狩見老父鋤于道間狀如五十人許而面若童子頭上白光高數尺恠而問之老父荅曰臣年八十五時衰老垂死頭白齒落有道士教臣絕穀服朮飲水并作神枕枕中有三十二物其二十四物以象二十四氣其八物以應八風

頭上白
光高數
尺

臣行之轉老為少。髮白更黑。齒落復生。日行三百里。臣今年百八十矣。武帝愛其方。賜之金帛。老父後入岱山中。或十年五年。一還鄉里三百餘年。乃不復還也。

程偉妻

程偉妻者。漢黃門郎程偉之妻也。偉好黃白術。娶妻方氏。偉常從駕。而無時衣。妻請致兩綃。綃無故至前。偉按枕中鴻寶。作金不成。妻即因偉爐中水銀。出囊中藥少許。投之。即成金。

綃從
空來

點水
銀成
金

偉大驚曰。道在汝處。而不早告我。何也。妻曰。得之。須由命。偉乃日夜說誘之。賣田宅。以供美食衣服。猶不肯告偉。偉乃與其侶謀。欲杖其妻。妻輒知之。曰。傳道必當得人。如其人。雖道路相遇。當傳之。如非其人。雖寸斷而支解。終不傳也。偉仍逼之不止。妻乃發衽裸而走。以泥自塗。遂卒。乃尸解去。

巫炎

巫炎字子都。北海人。漢武帝出遊渭橋。見子都

看川山傳

頭上
紫光

逆則
成仙

頭上有紫氣高丈餘帝召問之君年幾何炎
曰臣年今已一百三十八歲帝問有何道術
炎曰臣年二十五時苦腰脊疼痛脚冷口中
乾苦舌燥涕出百節四肢皆痛足痺不能久
立得此道以來已七十三年有子三十六人
身體強健氣力如壯時帝曰可得言乎炎曰
臣誠知此道為真然男女之事臣子之所難
言又行之皆逆人情樂此者少故不敢以聞
帝遂受法炎年二百餘白日昇天武帝後頓

黃安

行其法未能盡用之然得壽勝于他帝遠矣

黃安代郡人年八十餘貌若童子常服朱砂舉

服朱砂
滿身赤

身皆赤不着衣坐一神龜龜廣三尺時人問

赤

子坐龜幾年曰三千歲乃一出頭我得龜以

來已五出頭矣行則負龜而趨世人謂安年

年至萬
歲

萬歲漢武帝聞有異迹乃與論虛無神仙之
事帝每屈焉及封泰山詔董謁李充孟岐郭
瓊黃安五人同輦謂之五仙臣帝崩後即去

不知所之

壽光候

大蛇為怪
三人輒仆地

壽光候者能劾百鬼。魅令自縛見形。其鄉人有婦為魅所迷。候為治之。得大蛇數丈。死於門外。又有神樹。人止其下者輒死。鳥過必墜。候復治之。樹盛夏枯落。有大蛇長七八丈。懸死樹間。漢武帝聞而召見。假試問之曰。吾殿下夜半後常有數人。絳衣被髮。持火相隨。能治之乎。曰。此小怪。易消。爾中偽使三人為之。

候乃設法。三人登時仆地。無氣。帝大驚曰。非魅也。朕相試耳。解之而甦。

稷丘君

稷丘君者。泰山中道士。漢武帝時。以道術受賞。賜髮曰。返黑齒。落更生。後罷去。上東巡泰山。君乃冠章甫。衣黃衣。携琴來迎。武帝曰。陛下勿登山。必傷足指。及數里。左足梁折。上諱之。但祠而還。為君立祠。復置百戶。使承奉之。

劉安

劉安漢高帝孫封淮南王好儒學方技作內書
二十一篇又著鴻寶萬年三卷論變化之道
有八公往詣之門吏自以意難問之曰王上
欲得延年却期不老之道中欲得博物洽聞
精義之大儒下欲得勇敢武力扛鼎暴死橫
行之壯士今先生老矣應無註書之術貴育
之勇三者並乏不敢相通公笑曰聞王敬賢
好士吐握不倦苟有一介莫不畢至古人貴
九九之學養鳴吠之士且市馬骨致騏驎吾

八公俄頃
為少年

等雖鄙不合所求就令見王無益亦不為損
柰何限之若王必欲見少年則謂之有道見
垂白則謂之傭人恐非發石取玉探淵索珠
之謂也言畢忽變為十五歲童子露髻青鬢
色如桃花於是門吏驚悚馳報王聞之不及
履即跣足出迎以登思仙之臺列錦綺之帷
設象牙之床燔百和之香進金玉之几穿弟
子之履北面拱手而言曰安以凡才少好道
德八公忽復成老人乃告王曰聞王好道故

畫地為
江操
為山

廣列仙傳
來相從。但未知王何所欲耳。吾一人能坐致
風雨。立起雲霧。畫地為江湖。撮土為山岳。一
人能崩高塞淵。牧虎豹。致龍蛇。役神鬼。一人
能分形易貌。坐在立亡。隱蔽三軍。白日晝暝。
一人能乘虛步空。起海凌烟。出入無間。呼吸
千里。一人能入火不焦。入水不濡。丹之不傷。
射之不中。冬煉不寒。暑熱不汗。一人千變萬
化。恣意所為。禽獸草木立成。轉徙山川陵岳。
一人能防災度厄。辟邪却害。延年益壽。長生

煎泥
成金

久視一人能煎泥成金。煨鉛為銀。水煉八石。
飛騰流珠。乘龍駕雲。浮遊太清。惟王所欲。安
乃叩拜。身進酒果。請歷試之。皆驗。遂授丹經
及三十六水銀等方。藥成未服。而安有子。名
遷。好劍。即中雷被。與遷為劍戲。而誤中遷。被
懼。誅與其黨伍。被共上書天子。告安謀反。天
子使宗正持節治安。八公告安曰。可以去矣。
此乃天所以遣王。願王勿疑。乃與安登山大
祭埋金於地。即白日昇天。八公與安所踐之

石皆隕。至今有人馬之迹存焉。一云王同昇天所弃置藥鼎。雞犬舐之。並得輕舉。鷄鳴雲中。犬吠天上。一云安得鴻寶萬年之術。仙去位大極真人。

尹澄

尹澄字初默。後改名林。汾陽人。經行太山。遇石上懸一青芝。夜望有光。採而服之。遂日行六七百里。又於峩眉山中。遇仙人宋君。授以三皇內文。九丹秘訣。澄脩之。大驗。遂能封山嶽。

能使兄
惟遺壽

投符水中。水為逆流百步。洪濤頓息。以藥救暴死者。皆即活。治鬼。惟能使自縛而來。年三百四十餘歲。漢昭帝元始元年。太微帝君遣仙官下迎。授為太微真人。

黃子陽

黃子陽。後魏人。知長生之訣。住博落山中。九十餘年。但食桃皮。飲石中黃水。司馬季主以導仙。八方傳之。遂能度世。

食桃皮

焦先

施新

火燒雪
壓俱無
恙

焦先字孝然河東太陽人年一百七十常食白石
石光日伐薪施人從村頭一家起周而復始
人或為具食先則食之亦不與人語若其門
無人則置薪于人門間便去及魏受禪居河
之湄結草為菴獨止其中數日一食太守董
經往視之亦不與語後野火延燒其菴先危
坐菴下不動衣亦不焦又更作菴時天大雪
菴為壓倒人往視之不見先所在恐已凍死
乃拆菴索之見先熟卧于雪下顏色休休然

如醉卧之狀人乃知其異欲從之學道先曰
我無道也後二百餘年乃與人別去不知所
適魏書云自羲皇以來一人而已

陰長生

陰長生新野人和帝陰后之曾祖也不慕榮位
潛心好道聞馬明生得度世法乃入諸名山
求之至南陽太和山中得見明生遂師事之
明生不教以度世之道但旦夕與談當世事
十年餘長生不少怠時共事明生者十二人

求道二十年不
急
煮黃土
為金
煉黃金
萬斤施
人

皆怨恚而去。獨長生禮敬彌篤。如此者積二
十年。明生始問其所欲。長生跪曰：乞生爾。明
生哀其語而告之曰：子真求道者也。始將長
生入青城山。煮黃土為金以示之。即日授以
太清金液神丹。乃別去。於是長生入武當山
石室中。合丹。先服半劑。未即昇天。乃大作黃
金數萬斤。以施天下窮乏。施盡。再服丹半劑。
白日昇天。

南陽公主

南陽公主。下嬪王咸。漢綏和間。王莽秉政。謂咸
曰：國危世亂。但當一而脩身。咸不能從。公主
遂於華山結廬。歲餘。精思丹道。乘雲冉冉而
去。咸追之。昇層嶺。漠然無迹。忽於嶺上見遺
朱履一雙。取之。已化為石。後人名其峯曰公
主峯。

江妃二女

江妃二女。不知何許人。出遊江湄。逢鄭交甫。解
所佩二明珠。與之交。甫別去。行數十步。女不

明珠贈
鄭生

廣弘明傳

卷二

十

見珠亦隨失

欒巴

欒巴成都人得仙道後漢朝為尚書正月朔日朝見帝賜酒不飲向西南嚙之有司奏不敬巴謝曰臣本縣城東有火患故嚙酒以救之數日成都果奏火災得雨從東北來遂息雨中有酒氣

靈壽光

靈壽光扶風人年七十餘得朱英丸方合而服

嚙酒
救火

死後百
日伏身
書

布席渡
江
呪枯樹
生花

之轉更少壯年如二十時漢獻帝建安元年光已年二百二十歲常寄寓江陵胡田家無疾而卒田殯埋之百餘日人復見在小黃寄書與田田得書發棺視之中無所有釘亦不脫唯履在棺中

趙丙

趙丙後漢東陽人曾遊行道遇故人便酌水為酒削一楫為脯皆得醉飽又曾至渡頭求舟不得乃布席於水而渡又呪枯樹便生花葉

瞿武

瞿武後漢人也。七歲絕粒。服黃精紫芝入峨眉山。天竺真人授以真訣。乘白龍而去。今蜀州有瞿君祠。

上成公

上成公。甯縣人。遊行久不還家。後歸語其家人曰。我已得仙。因辭而去。家人見其舉步漸高。凌虛空中。良久乃沒。陳寔韓韶共見其事也。

毛伯道

毛伯道。劉道恭。謝稚堅。張兆期。皆後漢時人也。同入玉屋山。學道四十餘年。共合神丹。伯道先服即死。次道恭服之。亦死。稚堅兆期不敢服。棄藥而歸。未出山。忽見伯道道恭。各乘白鹿在山上。仙人執節從之。二人悲愕悔謝。道恭授以服茯苓方。二人後亦度世。

方回

方回為人所劫。閉戶室中。欲傳其道。回化身而去。更以一丸泥封其戶。以方回印印之。

服茯苓
成仙

鍾離簡

鍾離簡後漢人為郎中與弟權入華山三峯得道白日昇天

鍾離權

一云京兆成陽北西縣人
鍾離權燕臺人後改名覺字寂道號和谷子一號王陽子又號雲房先生父列侯宦雲中府生真人誕之時異光數丈狀若烈火侍衛皆驚真人之相頂圓額廣耳厚眉長目深鼻聳口方頰大唇臉如丹乳遠臂垂如三歲兒晝

碧眼胡僧饒舌

夜不聲不哭不食第七日躍而有聲曰身遊紫府名書玉京及壯仕晉為大將征吐蕃失利真人獨騎奔逃山谷迷路夜入深林過一胡僧鬚頭拂額體掛草結之衣引行數里到一村庄曰此東華先生成道處將軍可以歇泊矣析別而退真人未敢驚動莊中良久聞人語云此又碧眼胡人饒舌也一老人披白鹿裘扶青藜杖抗聲前曰來者非大將軍鍾離權否真人應曰是老人復曰汝何不寄宿

小僧之所。真人聞而大驚。知其為異人也。是時方脫虎狼之穴。遽有鸞鶴之思。乃回心向道。哀求度世之方。於是老人授以長真訣。及金丹火候。青龍劍法。真人告辭出門。回顧莊居。即不見其處。後再遇華陽真人。傳以太乙刀圭。火符內丹。洞曉玄玄之道。又遇上仙王玄甫。得長生訣。遊雲水。至魯居鄒城。入崆峒。於紫金四皓峰居之。再得玉匣秘訣。遂仙去云。

莊伯微

莊伯微。漢時人。少好道。不知求道之方。惟以日入時。正西向北。閉目握固。想崑崙山。積三十年。後見崑崙山人。傳以金液方。合服得道。

范幼冲

范幼冲。遼西人。曾為漢尚書郎。善解地理。受胎化易形之道。常旦旦存青白赤三氣。各如繩。從東方日下。直入口中。挹之九十過。自飽便止。行之十年。身中自有三色之氣。遂得神仙。

閉目想

崑崙山

三十年

常存青

白赤三

氣

青白赤

卷之二

三

此高元君太素内景法真誥云范監者即其人也。

陳永伯

陳永伯南陽人得淮南王七星散方服之二十一日忽然不知所在永有兄子名僧族年十七亦服之其父繫其足閉於密戶中晝夜使人守視一十八日亦復不見不知所之本方云服之三十日得仙陳氏二人服之未三十日而失所在后人不敵服仙去必有仙官來

服七星散三十日得仙

迎但人不見之耳

蕭綦

蕭綦漢末彰德人脩道天平山延壽宮善吹簫能致鳳鸞翔集號碧霄真人道成白日冲舉

王仲都

王仲都漢人也一云道士學道於梁山遇太白真人授以虹丹能禦寒暑已二百餘年漢元帝召至京師試其方術冬月令仲都單衣乘駟馬車於上林昆明池環水馳走帝御狐裘

而猶覺寒。仲都貌無變色。背上氣依然。又當盛夏。圍以烈火十爐。口不稱熱。身不流汗。後亦仙去。孫思邈常於我眉山。棲真習道。仲都與三五人。假為獵夫。過其居。試之。因論長生之旨。遂授道。思邈而去。

王褒

王褒字子登。范陽人。漢安國侯七世孫。少好道。入華山九年。一日夜半。忽聞林澤中有人馬簫鼓之聲。頃臾漸近。望見千乘萬騎。浮空而

至。神人乘雲車。手把虎符。暫停車而呼褒。言曰。吾太極真人。西梁子文也。聞子好學勤勞。故來語汝。汝名登上清。他日位當小有司。掌寶籍。為天王之任。但注心四景。勤慕上業。道自成也。後隱洛陽山中。得遇南極夫人。西城真人。授以太上寶文。大洞真經等書。携褒觀玄洲。頃臾而至。四面大海。懸濤千丈。洲上宮闕樓觀。悉皆瓊瑤。謂褒曰。此仙都也。太上丈人處之。乃携褒入紫極宮。見丈人。丈人著流

玄洲頃臾而至

霞羽袍冠芙蓉之冠腰帶神光手把大鈴侍
女數百太上丈人謂西城真人曰彼所謂王
子登乎既幸遇良師將得之矣夫人笑因命
褒拜拜畢丈人乃授以上清隱書龍文八靈
真經二卷雲碧陽水晨飛丹腹二升褒拜服
之由是道成上帝賜以飛騰之車遍歷群仙
洞府盡傳天書秘要上清玉晨帝君賜以寶
芝褒飲之即身成金色項映圓光授為太素
清虛真人領小有天王治玉屋山洞天之中

給玉童玉女各三百人主領上清玉童及九
天玄文六合秘籍得乘龍輦虎旂玉輪金蓋
出入上清受事太素宴寢太極也

蘇林

蘇林字子玄濮陽人少稟異操訪真之志彌篤
嘗負擔至趙師琴高先生時年二十一受煉
氣益命之道琴高初為周康王門下舍人以
內行補精術及丹法能水遊時已九百歲唯
不死而已非飛仙也後乘赤鯉入水或出入

人間而林託景丹霄志不終此後改師華山
 仙人仇先生仇先生者湯王時木正也。服胎
 食之法於還神守寃之事大得其益。先生曰
 子真人也。當學真道。我迹不足躡也。乃致林
 於消子。消子者真人也。既見之。遂授以真訣。
 告林曰。欲作地上真人。必先服藥。除去三尸。
 殺滅穀虫。三尸者。一名青姑。伐人眼。令人目
 暗而皴。口臭齒落。蓋由此青姑之氣穿鑿泥
 丸也。二名白姑。伐人五臟。令人心耄氣少。喜

先夫
三尸

亡荒悶。蓋由白姑貫穿六腑之液也。三名血
 尸。伐人胃管。令人腸輪煩滿。骨枯肉焦。志意
 不開。所思不固。失食則饑。悲愁感歎。精神昏
 怠。蓋由血尸流噬魂胎之關也。若不去三尸。
 而服藥者。谷食雖斷。虫猶不死。徒絕五味。雖
 勤吐納。亦無益焉。若其虫生而求人不死。不
 可得也。故凡欲求真。當先服制虫丸。制虫丸
 者。一名初神去本丸也。欲作真人。當先服制
 仙丸。制仙丸者。太上八瓊飛精之丹也。子當

急脩服之一日忽告林曰我被帝召上補中
黃四司大夫領北海公今當去矣別後林乃
於涓子寢室得書一幅乃遺林者其文曰五
斗三一大帝所秘精思二十年三一相見授
子書矣但有三一長生不滅况復守之乎能
存三一名刊玉札况三一相見乎吾餌水養
精三百年服氣五百年精思六百年守三一
三百年守洞房六百年守玄丹五百年中間
復周遊名山回翔四岳休息洞室守形思真

二千八百餘年今始被召上補天位子其最
之林省書流涕林乃奉法精修道成周遊天
下分形散影寢息丹陵賣履市巷以試世人
人莫能識也漢元帝神爵二年三月六日告
弟子周季通曰我昨被玄州召為真人上領
太極中侯大夫今與汝別矣明旦果有雲車
羽蓋驂龍駕虎侍從數百人迎林林即日登
天冉冉從西北而去

劉根

賣履
試人

見
父
相

劉根京兆長安人。漢成帝時入嵩山學道。遇神人授以秘訣。遂得仙。用術濟人。潁川太守史祈以為妖。遣吏召根。欲戮之。至府。祈曰。能召鬼即至。不爾當戮。根曰。甚易。借筆書符。忽見兵甲。縛二囚廳前。祈熟視。乃父母也。即驚愕。流涕。鬼責祈曰。汝何得罪神仙。乃累親如此。太守伏罪。求救。方解。根遂不見。一云根初學道。到華山。見一人乘白鹿。從十餘玉女。根稽首乞一言。神人曰。汝聞有韓衆否。曰。聞之。神

人曰。我是也。

谷春

谷春。櫟陽人。漢成帝時為郎。疫死。而尸不冷。家發喪行服。猶不敢下釘。三年。更著冠幘。坐縣門上。邑中人大驚。家人迎之。不肯歸。發棺。有衣無尸。留門上三日。去之。長安坐橫門上。人知而追之。復去之。太白山立祠於山上。時來至於祠中宿焉。

梅福

喪後三
年復見

廣列仙傳

卷二

三十九

仙霞開
遇空同
君

梅福字子真壽春人仕漢為南昌尉見王莽專
政知世將亂乃棄家求仙遍遊鴈蕩南閩諸
山後入仙霞山遇空同仙君授以內外丹法
入鷄籠山脩煉不成乃至劔江西嶺再遇空
同仙君自雲中而降謂福曰汝之緣在飛鴻
山也福遂往飛鴻山結菴脩煉丹成趣裝復
還壽春一日紫霧浮空雲中仙樂紛紛金童
玉女捧詔控鸞從空中而下福拜詔辭家乘
青鸞飛昇而去一云福為南昌尉成帝委任

王鳳福上書極諫棄妻子而去遊於會稽變
姓名為吳門市卒今城中有吳市門即其隱
處宋元豐間封壽春真人

魏伯陽

魏伯陽吳人性好道術不樂仕宦入山作神丹
將三弟子知兩弟子心不盡誠丹成而試之
曰金丹雖成當先試之以飼犬犬無患人方
可服之若犬死不可服也伯陽入山時曾携
一白犬自隨凡丹數轉未足和合未至者稍

丹成試
犬

有毒服之則暫死伯陽乃以毒丹與白犬食之犬即死伯陽曰作丹恐未成今犬死無乃未得神明之意耶人服之恐復如犬柰何弟子曰先生當服之否伯陽曰吾皆違世路委家入山不得仙吾亦耻歸死與生同吾當服之伯陽服丹丹入口即死一弟子曰師非凡人也服丹而死得無有意耶亦服之入口亦死餘二弟子乃相謂曰作丹求長生爾今服丹即死不如不服尚得數十年活耶遂不服

與
作
同

乃共出山欲為伯陽及死弟子求棺木殯具二人去後伯陽即起將煉成妙丹納死弟子及白犬口中須臾皆活於是將服丹弟子姓虞者及白犬仙去逢入山伐薪人作手書與鄉里人寄謝二弟子弟子見書始大懊惱伯陽嘗作叅同契五相類凡二卷其說似解周易其實假借爻象以論作丹之意

龍述

龍述字伯高京兆人漢建武中為零陵太守後

於金山得神芝實大如梧桐子伯高治而服之日餌一刀圭服二年得仙尸解去

姚光

姚光不知何許人得神丹能分形散影坐在立亡火之不焦刃之不傷吳主親試之積柴數千束令光坐其中四面發火焚之煙焰蔽天觀者盈都下咸謂光必煨燼矣火息後光從灰中振衣而起神色晏如也手把一卷書吳主讀不能解後復見于唐武德中

立焚
不死

東郭延

東郭延山陽人服靈飛散能夜書在冥室中身上生光照耀一室又能望見平地數十里小物辨其形色凡見人即能逆知其死生一如其言年四百歲絕無老狀一旦有數十人來迎之比隣盡見乃與親故辭別而去云詣崑崙山

明見平
地十里
小物

呂恭

呂恭字文敬少好服食將一奴一婢於太行山

遇二仙

中採藥忽有三人。在谷中。因問恭曰。子好長生乎。恭曰。然。一人曰。我姓呂。字文起。一人曰。我姓孫。字文陽。一人曰。我姓李。字文上。皆太清仙人也。汝與吾同姓。又字得吾半。似有緣。當隨我採藥。示以長生之方。恭大喜之。二日。乃授恭秘方。因遣恭還家。但見空野。無復子孫。間已二百年矣。恭還家。但見空野。無復子孫。惟里中數世後人。有趙光輔者。傳聞先世有呂恭。將一奴一婢。入山採藥。不復歸。今已二

百餘年。無知恭有曾孫呂習者。在城東北十里。作道士。乃教恭往尋之。得習也。習舉家驚喜曰。仙人歸矣。居久之。乃以神方授習而去。時習年已八十。服之頓少。至二百歲。乃入山去。其子孫世服此藥。無復老死。皆得仙也。

華子期

華子期。淮南人。師祿里先生。受隱仙靈寶方。一曰伊洛飛龜秩。二曰伯禹正機。三曰平衡方。按合服之日。以還少。一日能行五百里。力舉

一歲十
變形

廣川山傳

卷之三

三十一

千斤一歲十二易其形後乃仙去。

沈文泰

沈文泰九嶷人得紅泉丹砂去土符延年益命之道服之有效歎之崑崙留安息二十餘年嘗語李文淵曰但服土符而不服藥行道無益也文淵因得秘要後亦昇仙後世以竹根汁糞丹及黃白去三尸法出此二人矣。

子英

子英者舒鄉人善入水捕魚得赤鯉愛其色好

法
去
尸

持歸養之池中一年長丈餘遂生角與翼子英恠異拜謝之魚言我来迎汝汝上背與女俱昇天即大雨子英上魚背飛昇而去歲來歸仍與妻子同飲食數日魚復來迎之如此七十年故吳中有子英祠云。

此十平姑吳中育七英師云
未辨外與妻子同遊貪殘口魚對來並之破
則采天明大雨子英土魚昔無異而夫魚
英神異拜禮之魚言非來也此土昔與女
其神尊之山中一半身文魚也土魚與英七

廣列仙傳卷之三

明少谷張文介輯

王喬

王喬河東人漢明帝時為尚書郎出為葉令漢
法畿內長吏節朔還朝喬每月朔旦常自縣
來朝帝恠其來數而不見車騎密令太史伺
望之言其臨至輒有雙鳧從東南飛來於是
候鳧至舉羅張之得一鳥焉乃所賜尚書官
屬履也每當朝時葉縣門外鼓不擊自鳴聞

飛鳥

廣列仙傳

卷之三

七

王棺

於京師。後天下王棺於堂前。人推排。終不移動。喬曰。天帝獨召我耶。乃沐浴服飾。寢其中。蓋便立覆。宿昔。葬于城東。自成墳。其夕。縣中牛皆流汗喘乏。而人無知者。百姓為之立廟。號葉君祠。吏人祈禱輒應。

麻姑

麻姑。漢桓帝時。王方平過吳門蔡經家。令人與麻姑相聞。有頃而至。經舉家見之。是好女子。手似鳥爪。頂中作髻。衣有文章。而非錦繡。坐

擲米成珠

定。各進行厨。香氣達於內外。擗麟脯。行酒。麻姑云。接行以來。東海三為桑田。蓬萊水又淺矣。方平笑曰。聖人皆言海中。行復揚塵也。經母妻見麻姑。以米擲地。皆成真珠。宴畢。昇天而去。

天台二女

劉晨。剡縣人。漢永平中。與阮肇入天台山採藥。路迷不得返。經十三日。餓渴。偶望山上有桃樹子實。共取食之。餓止體充。下山取澗水飲。

胡麻飯
添出

之見一杯流出中有胡麻飯焉喜曰此近人家矣遂度山出一大溪溪邊有二女子色甚美見二人持杯便笑曰劉阮二即捉杯來劉阮異之二女遂欣然如舊相識曰來何晚因即邀還家南壁東壁各有羅帳絳帳帳角懸鈴上有金銀交錯各有數侍婢便令具饌有胡麻飯山羊脯牛肉甚其美食畢行酒俄有群女持桃子笑曰賀汝婿來酒酣作樂夜後各就一帳宿婉態殊絕至十日求還苦留半

年氣候草亦常似春百鳥啼鳴更切懷鄉歸思甚苦二女曰罪根未滅使君等至此遂相送指示還路鄉邑零落已七世矣却欲再往女家尋之不獲晉太康八年失二人所在

王老

王老村居慕道有老道士造留月餘忽遍身瘡瘍謂王老曰得酒數斛浸之即愈王老遂置酒滿甕道士坐甕中三日方出鬚髮皆黑顏如童子謂王老曰能飲此酒可以仙去時方

空中打
麥聲

打麥王老全家飲之。須臾皆醉。忽風動雲蒸。一時舉舍皆昇天而去。空中猶聞打麥聲。

張道陵

生天
山

張道陵字輔漢。豐縣人。子房八世孫。光武建武十年。生於吳地天目山。母初夢大人自北魁星中降至地。長丈餘。衣繡衣。以衡薇香授之。既覺。衣服居室皆有異香。經月不散。感而有孕。及生日。黃雲盈室。紫氣盈庭。室中光氣如日月。復聞昔日之香。浹日方散。身九天二寸。

朱頂
綠睛

白虎
銜符
來

龐眉廣額。朱頂綠睛。隆準方頤。目有三角。伏犀貫腦。玉枕峰起。垂手過膝。美髯髯。龍踞虎步。豐下銳上。望之儼然。七歲通道德經。於天文地理。河洛圖緯之書。皆極其妙。舉賢良方正。身雖仕。而志在脩煉。久之。隱北邙山。有白虎銜符文。置座傍。和帝徵為太傅。後封冀縣侯。三詔不就。入蜀。愛蜀中溪嶺深秀。遂隱其山。苦節學道。蓄氣養神。弟子有王長者。習天文。通黃老。相與煉龍虎大丹。一年有紅光照。

青龍
逸冊

分形
散影

室二年有青龍白虎常逸丹鼎三年丹成真人年六十餘餌之若三十許人行及奔馬與王長入北嵩山有繡衣使者告曰中峰石室藏上三皇內文黃帝九鼎太清丹經得而脩之者昇天也真人乃齋戒七日入其室以所履處梵然有聲即掘其地取之果得丹書精思脩煉能飛行遠聽得分形散影之妙每泛舟池中誦經堂上隱几對客杖藜行吟一時並赴人皆莫測其靈異也西城房陵間有白

梓州大
蛇吐毒
霧

虎神好飲人血每歲其鄉殺人祭之真人召其神戒之遂滅又告梓州有大蛇鳴則山石振動時吐毒霧行人中毒輒死真人以法禁之不復為害順帝壬午歲正月十五夜真人在鶴鳴山夢覺忽聞鑾佩珊珊天樂隱隱香花覆地紫雲滿空瞪目東瞻見紫雲中素車一乘駕五白龍車傍旌旗儀衛甚盛車中一神人容儀若冰玉手執五明寶扇項負八景圓光身六丈餘神光照人不可正視車前一

老君降
宿中

人勅真人曰子勿驚怖即太上老君也真人
禮拜老君曰近蜀中有六天鬼神枉暴生民
深可痛惜子其為吾治之使晝夜各分人鬼
有別以福生靈則子功無量而名在丹臺矣
乃授以正一盟威秘錄三清衆經九百三十
卷符籙丹竈秘訣七十二卷雌雄劍二把都
功印一枚冠衣方裙朱履一付且曰與卿千
日為期後會閻苑真人乃叩頭領訖日味秘
文按法遵行修之千日內顧五臟外集三萬

八鬼神
行病

從青城
山殺鬼

六千神又感玉女教以吐納清和之氣攝伏
精邪行籙中三步九跡交乾履斗之道即魁
罡七元隨兵所指隱遁出沒皆得自然時有
八部鬼神各領鬼兵動億萬數周行人間劉
元達領鬼行雜病張元伯行瘟病趙公明行
下痢鍾子季行瘡腫史文業行寒瘧范巨卿
行酸疔姚公伯行五毒李公仲行狂魅赤眼
嘔毒嘯禍暴殺萬民枉天無數真人遂奉老
君誥命佩盟威秘籙往青城山置琉璃高座

青城山傳

卷之三

六

化為大蓮花

左供大道元始天尊右置三千六百真經立
十絕靈幡周匝法席鳴鐘扣磬布龍虎神兵
衆鬼即持兵刃矢石來害真人真人舉手一
指化為一大蓮花拒之鬼衆持火千餘炬來
真人舉手一指鬼反自燒乃遙謂真人曰師
自住我崑山何為來侵奪我居處師曰汝等
殘害衆生所以來伐汝攢之西方不毛之地
奉老君命也元達等聞言乃會鬼帥兵馬各
千萬衆精甲犀刃上山圍繞真人以丹筆遙

畫一陣鬼衆皆仆八大王叩頭求生真人以
丹筆倒書之鬼衆復蘇真人呼鬼王曰汝等
進前聽吾處分自今速當遠避勿復行病人
間如違即當誅之無留種鬼王曰降災下民
本自隸我柰何盡奪願分一半真人不許叱
出之鬼王不服次日復會六大魔王率鬼兵
百萬再來環攻王長曰鬼甚衆不可當柰何
真人曰子勿驚吾自能却之復以丹筆一畫
衆鬼復死惟六魔王仆地不能起仍扣頭求

一筆分
山為二

有石為
橋度鬼

投身火
中解青
蓮而出

生真人不顧復以丹筆一裁此山遂分為二
六魔王欲度不能始大聲哀求云自今而去
不敢復來乞往西方娑羅之國而居止焉真
人乃許倒筆再畫八師六魔群鬼悉起真人
命王長有一大石為橋度之然群鬼雖攝伏
真人猶欲服其心謂之曰試與爾各盡法力
以服汝心元達等曰惟命是聽真人投身入
大火中即足履青蓮而出鬼師投身為火所
燒真人入木身度木外木即隨合鬼師投身

天師與
鬼帥闕
法

即墜地真人入水乘黃龍而出鬼帥入水為
水所溺真人以身入石透石而出鬼帥投身
繞入一寸真人以身入鉄山透鉄而出鬼帥
繞入半寸真人呪神符一道左手指之鬼斃
右手指之復生鬼帥左右指無生無死元達
等化八大虎犇攫而來真人化二獅子逐之
虎奔走鬼帥又化入大龍欲來擒師真人化
金翅鳥啄龍目睛其龍乃遁鬼帥又化大神
雙持大槌欲擊真人真人化作金剛身長七

天師化
身七卜
萬丈

真八化
大石壁
鬼

十二萬丈廣五十三萬圍戴大冠負圓光具
十二種無量相擊大神大神退走鬼帥等身
高十二丈即墜真人騰空高百餘丈上無所
攀下無所乘鬼神作五色雲昏暗天地真人
化五色日炎光輝灼雲即流散鬼帥變化技
窮真人乃化一大石可重萬餘斤以藕絲懸
之鬼帥營上令二鼠爭齧其絲欲壓殺鬼帥
鬼帥同聲哀告乞餘生遠去再不害却生民
真人遂命五方八部六天鬼神會盟於青城

山使人處陽明鬼行幽暗六天鬼王歸於北
鄴八部鬼帥竄于西域鬼衆猶躊躇不去真
人乃口勅神符一道飛上層霄湏臾風雨天
仙兵馬風刀畢至群鬼滅影而走真人因至
蒼溪縣雲臺山謂王長曰此山乃吾成功飛
騰之地遂卜居以備九還七返之功一日復
聆昔日鑿珮天樂之音真人整衣叩伏乃見
老君千乘萬騎來集雲際徘徊不下真再拜
泣曰臣昔夙承寶蔭親授秘文乃奉天威戰

鬼行化功成退居於此今飈駕再臨不我下
降意者大道離臣臣其為尸敗乎老君乃命
使者告曰卿之功業合得九真上仙吾昔使
卿入蜀但奪鬼幽獄區別人鬼以布清靜之
化而卿殺鬼過多又擅興風雨後使鬼神驅
馳星斗震蕩山川陰景翳晝殺氣穰空此非
大道好生之意上帝責子之過所以吾不得
近子也子且退居世間勤行脩誡日月二十
八宿二十四氣陰陽本命主者謝過之後更

老君責
天師殺
鬼太多

天師驅
毒龍

脩三千六百日吾待子於無何有鄉上清八
景宮中言訖聖駕復去真人遂依告文與王
長遷鶴鳴山謂弟子趙昇曰彼處必有妖怪
乃往除之遂至其地值十二神女於山前姿
態妖艷因告其由神女答曰土地陰靈也真
人問曰此地有醜泉何在神女曰前有大湫
毒龍處之真人以法召之毒龍不出遂書一
符化為金翅鳳向湫上盤旋毒龍驚舍湫而
去其湫即竭遂得醜泉煎之成鹽十二神女

十二神
久殿環

掩神女
于井中

各捧一玉環來獻曰妾等願事箕箒真人受其環以手揖之十二環合而為一謂曰吾投此環于井中能得之者應吾夙命也神女競解衣而入井爭取玉環真人遂掩之盟曰令作井神勿得復出彼方之民至今不罹神女之害而獲醜井之利後以真人之諱旌其州今陵州是也過宋江其中多異物為害乃書大山篆符以鎮之其恠遂絕每水涸人猶見其符摹歸供養以屏妖惡重修二十年乃復

領趙昇王長往鶴鳴山一日午時忽見一人朱衣青襟曳履執板一人黑幘縮衣佩劍捧一玉函進曰奉上清真符召真人遊關苑湏臾前後從引千乘萬騎紛然而來中有黑龍駕一紫輦玉女二人引真人登車旋踵至闕闕前榜云擬太玄都正一真人闕真人既至群仙禮謁良久忽二青童又引群仙皆朱衣絳節前導曰老君至矣從者二人可二千許或曰此子房子淵也乃相與騰空而上至一

授真人
世世為
天師

殿前金皆玉砌。或謂真人曰。將朝太上元始天尊也。真人整衣趨進。望見殿上圓光照人。不可正視。移時殿上勅青童諭真人以正一盟威之法。使世世宣布。為人間天師。拜真人為太玄都正一平炁三天扶教輔元大法師。勅還人間。勸度未悟。仍密諭飛昇之期。真人受命。乃復返渠亭。赤石崖舍。出三天正一秘法。付王長。趙昇於離沅山中。敷演其法。次還陽平山。以飛仙輕舉之法。付嗣師。仍還鶴

舉身入
石從頂
出

山。桓帝永壽元年正月七日。五更之初。長昇見空中一人駕雲車。大聲言曰。張道陵功已行。就將授以秘籙。言訖。老君駕龍輿。命真人乘白鶴。同往成都。重演正一盟威之旨。說北斗延生經。南斗經。談畢而去。真人欲顯其神跡。乃於雲臺西北半崖間。舉身躍入石壁中。自崖頂而出。其山因成二洞。今崖半曰峻仙洞。崖上曰平仙洞。是年九月九日。在巴西赤城渠亭山中。上帝遣使者持玉冊。授真人正

一真人之號。詢以行當飛昇。真人乃以盟威都功等諸品秘籙。斬邪二劔。玉冊玉印。以授其長子衡。戒之曰。此文總統三五步罡正一之樞要。世世一子。紹吾之位。非吾家子孫不傳。謂長昇曰。吾有餘冊。二子可分。餌之。今日當隨。吾上昇矣。亭午群仙儀從畢至。玉女二人引真人并夫人雍氏。登黑龍紫輿。天樂擁導於雲臺峯。白日昇天。時真人年一百二十三歲也。

餘冊分
王長趙
昇

王遠

王遠字方平。東海人。仕漢至中散大夫。博學兼明天文圖讖。河洛之要。逆知吉凶。桓帝連徵不出。後強郡國。逼至京。低頭閉口。不肯荅語。乃題宮門扇。四百餘字。皆言方來事。帝惡之。使人削去。外字適去。內字復見。墨深入木。寄寓太尉陳耽家。四十餘年。耽家絕無疾病。死喪。一日語耽云。吾期運當去。不得復停。明日日中當發。至時方平死。耽知其化去。未敢殯。

作字墨
痕深入
木

廣列仙傳

飲但悲啼焚香三日三夜忽然失其所在衣帶不解如蛇蛻也方平去後百餘日躄亦薨或謂躄得方平之道亦化去

蔡經

尸解後復生原形歸家

蔡經蘇州人仙人王方平忽降其家曰汝命當得度世故來教汝但汝氣少肉多未能即上天當作尸解須臾如從狗竇中過方告以要言言訖乃去經後忽身發熱如火三日日漸耗骨盡乃入室以被自覆忽然失其所在視

造酒百斛等仙未

其被中但有皮頭足具存如蛇蛻也去後十餘年忽還家尸解時已老今復少壯頭髮復黑語家人曰七月七日王君當來乃作酒數百斛以待其日方平果來舉家聞金鼓簫管之聲方平着遠游冠五色綬帶劍面黃色少鬚乘五龍車車各異色前後麾節旌旗導從如大將軍出也既至從官皆不知所在惟見方平經與父兄叅畢方平乃遣人迎麻姑少頃麻姑至經亦舉家見之是好女子年可十

廣列仙傳

卷三

十四

廣雅

一本作殊

百斛酒
白空

八許。頂中作髻餘髮散垂至腰。錦衣綉裳。光采耀日。皆世所無也。坐定各進行厨。皆金盤玉杯。麟脯麻姑。款見經母及經婦。而經之婦新產。方數日。麻姑望見。乃知之。曰。噫。且止。勿前。索少許米來。擲地。皆成卍砂。方平笑曰。麻姑猶作少年戲也。麻姑手指似鳥爪。蔡經私念。背痒時。得此瓜搔之。佳。方平即知經心中所思。乃鞭經背曰。麻姑神人也。汝謂其爪可搔背痒。何耶。方平去。經家所作數百斛酒。皆

仙去仍
歸省家

盡亦不見人飲之也。經父母私問經。王君常在何處。經曰。常在崑崙羅浮括蒼三山。此三山上皆有宮室。王君常平天曹事。一日之中。與天仙往還者數十過也。王君出入堂。乘一黃麟所至。山海之神皆來奉迎。後經仙去。仍暫歸省家。如蘇耽云。

宮嵩

宮嵩。琅琊人。師事仙人于吉。服雲母數百歲。面色如童。後出入紆嶼山。仙去。

董奉

董奉字君異。候官縣人。吳先主時。有少年姓余。作本縣長。見奉年三十餘。不知其有道也。罷去五十年。余復為他職。經候官。諸故吏人皆往見故長。奉亦同往。顏色如昔。不異。故長宿識之。問曰。君莫得道耶。昔在縣時。年紀如君輩。今已皓白。而君猶少也。奉曰。偶爾。後社爨為交州刺史。得毒病死。已三日。奉時在南方。以三九藥。內爨口中。令人舉頭。搥而消之。食

始杜爨
死三日
復生

頃。爨開目。動手足。顏色漸還。半日中。能起坐。遂活。後四日。乃能語。云。死時。奄然如夢。見有數十烏衣人。來收之。將載露車上去。入大赤門。徑以付獄。獄各一戶。戶繞容一人。以爨內一戶中。乃以土從外封之。不復見。外恍惚間。有一人言。太一遣使者來。召杜爨。急開去之。聞人以鍾。掘其所居戶。良久。引出之。見外有車馬赤蓋三人。共坐車上。一人持節。呼杜爨上車。將還至門。而覺爨既活。乃為奉起高樓。

上樓下
樓如飛

見奉埋復

于中庭奉不飲食唯啖脯棗多喜飲酒一日
三為奉設之奉每來爨處飲食下樓時忽如
飛鳥便來到座不覺其下其上樓亦如此後
從爨求去爨涕泣留之不許爨問曰君欲何
所之當為具大船也奉曰不用船但用一棺
器耳爨即為具之至明日日中時奉死爨使
人殯埋之七日有人從岩昌來者見奉寄言
為謝杜候好自愛重爨乃開棺視之但見一
帛帛書一符奉後還廬山下居有一人病癩

垂死自載詣奉扣頭乞哀奉使病者坐一戶
中以五重布掩其目使勿搖動乃勅家人莫
近病人云似有一物來舐之痛不可堪度此
物舌當一尺許其氣息大小如牛竟不知何
物良久乃去奉乃往解病人之中以水與飲
遣去云不久當愈且勿當風十數日間病者
身體通赤無皮甚痛得水浴即不復痛二十
餘日即皮生瘡愈身如凝脂後嘗大旱百谷
焦枯縣令丁士產謂綱紀曰董君有道必能

廣川山傳

卷三

十一

病愈者
但種杏
酬之

致雨乃自齋酒脯見奉奉曰雨易得爾因仰
視其屋曰但貧家屋漏柰何縣令解其意耶
遣人為奉造屋屋成當泥塗使人取水作泥
奉曰不煩運水日暮自當雨也其夜果大雨
高下皆足奉居山間呪水治病不取錢物重
病愈者但使栽杏五株輕者一株如此數年
計得杏七萬餘根森然成林山中群獸遊戲
樹下竟不生草有如耘治也杏每熟時奉於
樹下作一簾倉語時人曰欲買杏者不須來

和
人
虎
逐
偷

報徑自取之但將穀一器置倉中叩自取杏
一器每有納穀少而取杏多者即有虎隨後
逐之其人怖懼而走其多取杏即傾覆地上
虎即還去又有偷杏者至家忽死其家速送
杏還叩頭謝過死者即活自是買杏更無欺
者奉以其所得糧穀賑救貧窮供給行旅歲
消三千斛穀尚有餘縣令親故家有女為精
邪所魅醫不能治語奉曰君若能愈之即當
以此女傳巾櫛奉乃召勅諸魅有大白鼈長

犬六尺。陸行詣病者門。奉使者斬之。女病輒愈。遂以女妻之。久無兒息。奉每出行。妻不能獨住。乃買一女伴之。奉一旦受上帝命。授碧虛太一真人。白日飛昇。婦及養女猶守其宅。賣杏取給。有欺之者。虎逐之如故。後人即於其種杏處建祠祀之。

介象

介象字元則。會稽人。通五經。百家之言。能屬文。陰脩道法。入東嶽。受禁制之術。能茅上然火。

能使一市人皆坐不起

煮鷄。鷄熟而毛不焦。能令一里內。不炊不蒸。鷄犬三日不鳴不吠。能令一市人皆坐不起。能隱形變化。為草木鳥獸。嘗遠遊數千里。求仙不值。乃入山精思。異遇仙。疲極卧石上。有一虎徃噬象。象睡寤。見虎謂之曰。若天使汝來侍衛我。汝且停。若山神使汝來。誠我。汝速去。後入山。見穀中石子。有紫光大如鷄子。因取兩枚。穀水深。不得度。乃還山中。見一美女。年十五六許。顏色非常。衣服五彩。蓋仙人也。

象叩首乞長生之方。女子曰：汝急送手中物，還故處，乃來。吾於此待汝。象以石子送至穀中。還見女子仍在舊處。象復叩首。女曰：汝血食之氣未盡，斷穀三年。更來。吾止此。象歸斷穀三年，乃復往見。此女果在前處，乃以冊方一首授象，告曰：得此便仙，勿他為也。象尚未合藥，有人密表奏象于吳主。吳主徵象至武昌，甚敬重之，稱為介君。為象起第宅，以御帳給之。賜遺前後累千金。從象學隱形之術。試

還後宮。及出入殿中，莫有見者。又令象變化種瓜菜百果皆立生。一日吳主與象論鱸魚何者最上。象曰：鮠魚為上。吳主曰：此魚生海中，可得乎。象曰：可得。但令于殿前掘坎，著水滿之。象垂釣坎中。須臾得鮠。吳主驚喜，問象曰：可食否。象曰：故為陛下取作鱸，何不可食。象屢求去不許。一日吳主賜梨一奩。象食之隨死。吳主殯埋之。次日已至建業，以所賜梨付苑吏種之。吏後以表聞。吳主視其棺中，惟

殿前掘
坎釣鮠
魚

一奏版符耳。吳主思象，即以象所住屋為祠。時躬祭之，常有白鶴來集座上。良久乃去。後弟子又見象在蓋竹山中，持白桃花一枝，顏更少焉。

黃初平

黃初平，晉丹谿人。年十五牧羊，遇道士，引至金華山石室中，四十餘年。其兄初起尋之不獲。後遇道士善卜，因問之曰：「金華山中有一牧羊兒，初起即隨去，見初平，問羊安在。」曰：「在山。」

叱石成
萬羊

東往視之，但見白石。初平叱之，石皆起成羊數萬頭。初起願棄妻子學之，後亦成仙。初平號赤松子，初起號魯班。

鮑靚

鮑靚，字太玄，陳留人。師左元放，受中郤法及三皇三嶽劾召之要，行之神驗。能役使鬼神，封山制魔。晉元帝大興元年，靚往江東於蔣山北道，見一人年可十六七許，好顏色，俱行數里。其人徐徐動足，靚奔馬不及，以漸而遠。因

遇陰長生

陰長生
隱形法

問曰相君行步必有道者其人曰吾仙人陰長生也君有心於道故得見我觀即下馬叩拜談論間陰君曰此地十年後當大流血後蘇峻之亂果足十年又云君慕道久矣吾當度爾仙法凡得仙者尸解為妙上尸解用刀下尸解用竹木皆以神丹染筆書太上太玄陰生符於刀其刀須臾即如所度者面目死於牀上矣其真人遁去勿復還家家人謂刀是其人也陰君乃傳觀此道又與觀論晉室

黃白

冢中刀
作雷鳴

脩短之期皆驗羅浮圖志云稚川居羅浮時靚為南海太守以道術見稱嘗行部入海遇風飢甚取白石煮食之與葛稚川善常往來山中或語論達旦乃夫人見其來門無車馬獨雙燕往來或恠而問之則雙履也壩城集仙錄云靚以女真葛洪靚後還丹陽卒葬於石子岡後遇蘇峻發棺無尸但有大刀而已賊欲取刀聞冢左右有兵馬之聲頽之驚駭棺中刀旬然有聲若雷震之音衆賊奔走賊

平之後收刀別葬之。晉書云鮑靚字太玄東海人年五歲語父母云本是曲陽李家兒。九歲墮井死其父母尋訪得李氏推問皆符驗。靚學兼內外明天文河洛書後見仙人陰君授道訣百餘歲卒。

劉諷

劉諷潁川人漢景帝時仕為公車司馬事司馬季主得服日月精華之道晚歸鄉里託形杖履而去。

李阿

李阿者三國時蜀人相傳容顏常不老每乞食成都市所得隨多少盡皆施與貧者夜去朝還市人莫知其踪跡有古強者疑阿是異人常親事之試隨阿還所宿乃在青城山中強每隨之恐山中有虎狼私持其父大刀阿見而怒強曰汝隨我行那畏虎也取強刀以擊石刀折強憂之至旦阿問強曰汝憂刀折耶曰實恐父怒阿即取刀擊地刀復如故以還

刀斷能便復合

強強一日隨阿還成都道中逢人犇車阿以足置車下轢其足骨皆折阿輒死強守視之須臾阿復起其折足平好如故強時十八見阿如五十許人至強年八十餘而阿容色猶如故一日語人曰吾被崑崙召當去遂不復還

張魯

張魯字公期嗣師長子也仕漢為漢中太守後隱身學道以符法治病致米一斗病立愈久

治病積

木數萬

之積米鉅萬曹操遣將攻漢中師以手版畫地成河怒濤洶湧兵不得渡其將復統水兵至岸師又以手版畫其河中輒出一峰高千餘丈兵不能進後脩煉白日昇天

介琰

介琰不知何許人住建安方山師白羊公杜必受玄一無為之道能變化隱形常往東海暫過秣陵吳主孫權禮之為琰起靜室一日之中數遣人問起居琰或為童子或為老翁無

或為童子或為老翁

仙翁

所食啖不受餉遺。吳主欲學其術，琰以吳主多內御，乃不傳法。吳主怒，敕縛琰。著甲士引弩射之，弩發而繩索獨存，不知琰所之耳。

費長房

費長房，汝南人。曾為市掾，市中有老翁賣藥，懸一壺於肆頭。及市罷，輒跳入壺中。市人莫之見。惟長房於樓上觀之，異焉。因往再拜，奉酒脯。翁知長房之意，其神也，謂之曰：子明日可更來。長房旦日復詣翁，翁乃與俱入壺中。唯

時跳入壺中

青竹代身

見玉堂嚴麗，旨酒甘肴，盈衍其中。共飲畢而出。翁終不聽與人言之。後乃就樓上候長房。曰：我神仙之人，以過見責。今事畢當去。子寧能相隨乎？樓下有少酒，與卿為別。長房使人取之，不能勝。又令十人扛之，猶不舉。翁聞笑而。下樓，以一指提之而上。視器如有一升許。而二人飲之，終日不盡。長房遂欲求道，而顧家人為憂。翁乃斷一青竹，度與長房身齊，使懸之舍後。家人見之，即長房形也。以為縊死。

大小驚號遂殞葬之。長房立其傍而莫之見也。於是遂隨從入深山踐荆棘於羣虎之中留使獨處。長房不恐又卧於空室以朽索懸萬斤石於心上。衆蛇競來齧索且斷。長房亦不移。翁還撫之曰。子可教也。復使食糞。糞中有三蟲。臭穢特甚。長房意惡之。翁曰。子幾得道。恨於此不成。如何。長房辭歸。翁與一竹杖曰。騎此任所之。則自至矣。既至。可以杖投葛陂中也。又為作一符曰。以此主地上鬼神。長

杖投葛陂為龍

一日間人見在千里外教處

房乘杖。須臾來歸。自謂去家適經旬日而已。十餘年矣。即以杖投陂。顧視則龍也。家人謂其久死不信之。長房曰。往日所葬。但竹杖耳。乃發冢剖棺。杖猶存焉。遂能醫療衆病。鞭笞百鬼。及驅使社公。或在他坐。獨自恚怒。人問其故。曰。吾責鬼魅之犯法者耳。又嘗坐客。而使至宛市鮓。須臾還。乃飯。或一日之間。人見其在千里之外者。數處焉。後失其符。為衆鬼所殺。

劉子訓

劉子訓有神異之道。既到京師，公卿以下候之者，坐上恒數百人，皆為設酒脯，終日不置。後因遁去，遂不知所止。初去之日，唯見白雲騰起數千處，後人於長安東霸城見之，與一老公共摩娑銅人，相謂曰：適見鑄此而已，近五百歲矣。見者呼之曰：劉先生小住，並行應之。視若遲徐，而走馬不及。

徐行走
馬不及

左慈

銅盆釣
鱸魚

走入壁
中

左慈字元放，廬江人。少有神道，曾在曹操坐中，操笑顧衆賓曰：今日高會，珍羞略備，所少吳松江鱸魚耳。慈因求銅盤貯水，以竹竿餌釣於盤中。須臾引一鱸魚出，操又謂曰：既已得魚，恨無蜀中生薑耳。語須臾，即得薑還。操出近郊，士大夫從者百許人。慈乃為齋酒一升，脯一斤，手自斟酌，百官莫不醉飽。操怪之，使尋其故。行視諸鱸，悉亡其酒脯矣。操懷不喜，因坐上收歆殺之。慈乃郤入壁中，霍然不知。

老羝作
人言

所在或見於市者。又捕之。而市人皆變形與
慈同。莫知誰是。後人逢慈於陽城山頭。因復
逐之。遂走入羊群。操知不可得。乃令就羊中
告之曰。不復相殺。本試君術耳。忽有一老羝
屈前兩膝。人立而言曰。遽如許。即競往赴之。
而群羊數百。皆變為羝。並屈前膝。人立云。遽
如許。遂莫知所取焉。

朱孺子

朱孺子。三國時永嘉安固人。幼師道士王玄真。

枸杞叢
中花人

居大若岩。深慕仙道。常採黃精服餌。歷十餘
年。嘗於溪畔。見二花犬逐之。入枸杞叢下。與
玄真共掘其叢。乃得二枸杞根。形狀如花犬。
堅若石。乃煮之三晝夜。孺子試取汁飲之。即
覺身輕。能飛昇於前峯之上。與玄真謝別。乘
雲而去。至今號其峯為童子峰。玄真後食其
餘。亦得不死。乃隱於是岩之西陶山。有採樵
者。時或見之。

巖青

嚴青會稽人居貧常於山中作炭忽遇神人授書一卷曰汝骨可長生并教服石髓法青受之即見左右常有數十人侍之嘗夜行都巡呵問何人青亦呵問都巡怒叱從兵收之青亦叱從神錄之青徑去而都巡等入馬不能動明旦鄉人曰必嚴公也報其家往謝青乃放去青後斷穀三年仙去

耆域

耆域天竺人神奇人莫能測周流華戎晉惠時

江
飛渡

至襄陽欲寄載過江船人見其衣服粗陋輒而不載船達北岸而域已度前行見兩虎以手摩其頭虎弭耳而去

孫登

孫登字公和汲郡人無家居郡北山土窟中善長嘯好讀易撫一絃琴性無恚怒稽康從之遊三年問其所圖終不答康將別謂曰先生竟無言乎登曰子識火乎火生而有光而不用其光果在于用光乎人生而有才而不用

一絃琴

山

卷三

十九

其才果在於用才乎。故用光在乎得薪。所以保其耀。用才在乎識真。所以全其年。康又請學琴。登不教之。曰。子才多識寡。難乎免于今之世矣。後登白日昇天。

梁謀

梁謀字考成。扶風人。初事鄭法師于樓觀。晉惠帝永興二年。老君命真人尹軌降于樓觀。授以煉氣隱形之法。及水石還丹術。謀乃隱于終南山。食烝吞符。廣索卅砂為餌。卅成能飛。

耳能听
數里声

行變化。目能祝地中物。耳能聽數里聲。一日謂門人曰。有友召吾于南峯。今往矣。乃冠服而出。則雲氣迷繞。不見其形。惟聞鼓吹之音。隱隱從空而去。

稽康

嵇康字叔夜。時王伯通造一館。但有人宿。至天明必死。伯通見此。遂常閉之。至是康留宿館中。一更後。乃取琴彈。二更時。見有八鬼從館出。康懼之。微誦乾元亨利貞三遍。乃問鬼

築牆壓
鬼致禍

鬼授叔
夜廣陵
曲

曰王伯通造此館。凡有人宿此者，輒死。無乃汝輩殺之耶？鬼曰：我非殺人者，乃是舜時堂樂官，兄弟八人，號曰伶倫，舜受佞臣之言，枉殺我兄弟，葬埋于此。王伯通不知，乃向吾家上築牆，吾等苦其壓，因見人宿者，出擬告之。彼見吾等，自懼而死，殊非吾等殺之也。今願先生與伯通言，取吾等骸骨，遷葬他處，期半年。伯通當為本郡太守，今授先生以廣陵一曲，便相酬耶？康聞大悅，遂以琴與鬼。鬼彈一

通。康即能彈。彈至夜深，伯通往館中視康，聞琴聲殊佳，因問康。康具言其事。明日，伯通使人掘地，果見八人骸骨，遂別造棺，就高潔處葬之。後晉文帝時，伯通果為太守。康為中散大夫，至汲郡山中，見孫登，康遂從之遊。登沉默自守，無所言說。康臨去，登曰：君性烈而才雋，其能免乎？康又遇王烈，共入山。烈得石髓如飴，乃自服半，餘半與康。俄疑而為石，又入石室中，見一卷素書，遽呼康往取之，輒不復

嵇康復
右

見烈乃嘆曰。叔夜屢遇而不過。命也。初康居貧。嘗與向秀共鍛于大樹之下。以自贍。給穎川鍾會。貴公子也。精練才辨。及往造焉。康不為之禮。而鍛不輟。良久會去。康曰。何所聞而來。何所見而去。會曰。聞所聞而來。見所見而去。會以此憾之。因言於文帝曰。嵇康卧龍也。公無憂天下。但當以康為慮耳。因譖康欲助毋丘儉。帝遂害之。斬于東市。記纂淵海云。南海太守鮑靚。通靈士也。東海徐寧師之。寧夜

聞靜室有琴聲。怪其妙而問焉。靚曰。嵇叔夜爾。寧曰。嵇斬于東市。何得復在此。靚曰。叔夜雖示終。而實尸解也。

王烈

王烈。字長休。邯鄲人。烈入海東。抱犢山中。嘗與嵇叔夜同遊。烈得石髓如飴。即自服半。餘半與叔夜。叔夜既至。皆疑為石。又入一石室。室中有兩卷素書。烈讀不知其字。不敢取。頗記十數字形體。歸示叔夜。叔夜盡知其字。烈喜。

石髓頓
疑為石

乃與叔夜同往識之。及至其處，乃失石所在。烈因語弟子曰：叔夜未應得仙也。

王質

王質，晉時衢州人。入山伐木，至石室山，見石室中有數童子圍棋。質置斧柯觀之。童子以物如棗核與質，令含咽其汁，便不覺飢渴。童子云：汝來已久，可還質取斧。柯爛已盡，質便歸家。已數百年，親舊零落，無復存者。復入山，得道百餘年，有人往往見之，後亦仙去。

觀棋斧
柯爛

蘭公

蘭公，曲阜人，精脩孝行。斗中真人下降其家，自稱孝悌王。諱弘康，語蘭公曰：後晋代當有真仙許遜傳吾孝道，是為衆仙之長，因付以金丹寶經、銅符鐵券，令轉授丹陽黃堂靖女真。諶姆且戒之曰：將來有學仙者，名許遜，汝當以此授之。語訖，與蘭公遊於郊野，道傍有三古冢，指示蘭公曰：此是汝三生解化之迹。其第一冢，乃汝昔尸解所遺故衣；第二冢，乃太陰

二冢神奇

與冢中之
人公為一

煉形其形已就今當起矣第三冢蓋所藏蛇
骨耳宜移冢傍之路勿令人物踐履也孝悌
王言訖升天而去蘭公乃以金丹等物付謀
姆并移冢傍舊路人謂其妖妄乃訟之縣令
拘公公以前事對令乃發而視之其第一家
果有黃衣一領第二冢見一人童顏弱質如
夢初覺之狀第三冢有連環骨一具衆咸驚
嘆縣令以衣還公公服之即回家中之人合
為一體竦身入雲而去

謀姆

茅落處
立祠

謀姆居丹陽郡黃堂潛脩至道後以銅符鉄券
金丹寶章付許君及姆昇天取香茅一根南
望擲之許君認茅落處立祠故豫章有黃堂
觀

丁義

丁義瑞州人以神方授吳真君女秀英亦成仙
今瑞州崇元觀有秀英煉丹之所其丹并今
猶存焉


廣列傳

藍采和

夏衫加絮冬卧雪中

藍采和不知何許人常衣破藍衫六銙黑木腰帶濶三寸餘一脚着靴一脚跣足夏則衫內加絮冬則卧於雪中氣鬱如蒸每行歌於城市乞索持大拍板長三尺餘常醉踏歌老少皆隨看之似狂非狂歌詞多率爾而作皆神仙意人莫之測得錢則用繩穿拖之而行或散失亦不顧或贈貧者或與酒家周遊天下人有自兒童時見之者及班白見之顏狀如

故後於濠梁酒樓上醉中有雲鶴笙簫聲忽然乘雲而上擲下靴衫腰帶拍板并并而去其靴衫等旋亦失亡



仙傳卷之三終

